

O D E.

VN Corbeau deuant moy croasse,
Vn ombre offusque mes regards,
Deux belettes & deux renards
Trauerfent l'endroit où ie paffe,
Les pieds faillent à mon cheual,
Mon lacquay tombe du haut mal,
I'entend craqueter le tonnerre,
Vn esprit se presente à moy,
I'oy Charon qui m'appelle à foy,
Ie voy le centre de la terre.

Ce ruiſſeau remonte en ſa ſource,
Vn bœuf grauit ſur vn clocher,
Le ſang coule de ce rocher,
Vn aſpic s'accouple d'une ourſe,
Sur le haut d'une vieille tour
Vn ſerpent deſchire vn vautour :
Le feu brulle dedans la glace,
Le Soleil eſt deuenu noir,
Ie voy la lune qui va cheoir,
Cét arbre eſt forti de ſa place.

Théophile de VIAU (1590-1626).